

玉籙大齋第二日早朝儀

午朝儀

率六

各禮師存念如法

五星靈暎 煥景丹庭 包羅無外 合炁群靈
潛形香點 周道五經 揚威耀日 役使甲丁
卻災除禍 滌穢消氛 萬魔恐怖 龍虎飛升
恭雲交覆 萬炁齊并

鳴法鼓二十四通

元上三天玄元始三炁太上老君召出臣身
中三五功曹左右官使者左右捧香金童傳
言散花玉女五帝直符直日香官各三十六
人出出者嚴裝顯服冠帶垂纓關啓玄壇土
地方域神真臣今早朝階壇行道朝謁
帝真謹奏為入志其誥誠意具載誠願行
太上至真道炁靈寶瑞光下降流入臣等身
中令臣所啓之誠速達徑御

至真元極大道三清上聖

昊天至尊金闕玉皇上帝御前

請稱法位

具位 與臨壇官衆等謹同誠上啓
虛元自然元始天尊元極大道太上道君太

上老君高上玉皇十方已得道大聖衆至具
諸君丈人三十二天帝君玉虛上帝玉帝太

帝東華南極西靈北真玄都玉京金闕七真
瓊臺紫微上官靈寶至真明皇道君三十六
部尊經玄中大法師上相上宰上保上侍太

平下教二十四真人西城惣真玉君太乙真
人東嶽上卿司命茅君定錄保命二真人名
山洞府得道神仙三界官屬一切真靈

臣聞四象吁負隱太虛於元洞九陽燠散延
妙炁於梵華碧霧森羅玄精香遞通明三京

滋育萬生肇龍漢之開圖發始青之變化天
寶出書而傳世秀結神章玉清應號以度人

光浮靈象真機數露正道流行臣等謬合玄
圖獲參上範憑瓊顏而妙感回侍晨軒想珠
口以凝神奉宣法事凡有所啓敢不以聞齋
意青詞謹當宣奏

宣詞

具如詞言不違懇款思惟太上分別哀祈
臣聞無形無影神風靜默而洞燠太空若左

若亡四炁朗清而緬平一等群炁東首萬聖

臨軒臣等辨色精思凌晨對越清風發旦瞻
靈曜之方昇黃道啓明正奉陰之盡伏寶炁

空浮於玄座祥烟高霽於大羅恭徹香傳奉
修齋直以今第二日清旦行道請法衆等運
茲初捨上香

願此香烟騰空徑上供養
虛元至真自然大道元始天尊願以是捨香
功德上祝

當今皇帝景命無疆伏願曆過萬年德光四
表赤鳥流星紹開火運之隆神馬出阿允格

天書之瑞誕協靈而握梵永膺錄以受國帝
祚昌隆皇天眷佑嘉祥交應景貺咸臻今故

燒香自飯依道尊大聖衆至真之德符道之
後祈天長存
臣聞至道垂科鳳翼降清微之境元皇敷教

龍章浮碧落之空普濟幽明同霑福佑以今
第二日清旦行道請法衆等運茲二捨上香

願此香烟騰空徑上供養
玉展至理自然靈寶大道天尊願以是捨香
功德上資

所薦神靈伏願靈景玉京進階實丹而
虛皇而受道陞瑤陸以登真水處道遙長居
極樂注銀河之仙沐瓊瓊園之天芳潤浹九
圍香傳萬葉今故燒香自銀依經尊大聖眾
至真之德得道之後昇入無形

臣聞常應常靜靈光洞燭而萬行皆施圓寂
圓通志醴遍沾而九眾均濟道慈廣大至德
涵容以今第二日清旦行道請法眾等運茲
三檢上香

願此香烟騰空徑上供養

混元大聖自然化主道德天尊願以是捨香
功德上資

所薦神靈伏願高抗大羅冥通无色飄飄素
質練真於流火之庭鬱鬱玉葩秀實於琅霄
之館應靈圖而乘運合空洞以生神上聖回

光神公攝景超證真常齊年天地今故燒香
自皈依師尊大聖眾至真之德得道之後昇
入無形

懺悔 三啓 三禮
重稱法位

玉錄大齋第二日早朝儀

具位 與臨壇官眾等謹同誠上啓

三清至尊十方上聖玉京金闕天帝天真十
方師尊聖眾三界官屬一切咸靈

臣聞十遍周回召至真於碧落九幽開泰度
神識以昇仙臣等叨渥玄津竊乘良會所宜

離形孰智悟我理之兼忘守靜致虛鍊形神
而高舉登奉中盟而佩錄誓弘大法以度人

粗積微功少裨玄化况承詞訓恭為典行伏
慮臣等戒疎德薄學淺才微冒犯條章惟希

寬宥伏願分別哀祈洞垂省覽頒布青宮之
符命開度

所薦之神儀徑入太清登真成道則上明
天尊大慈之化下副臣等皈命之誠謹啓以

聞

一願靈光下燭 二願道月揚輝

三願恩宣九地 四願誠達九天

五願真靈俱會 六願道炁周圓

七願天堂開敞 八願地獄墮摧

九願玄功普被 十願駕景空飛

十一願普天懷德 十二願道合無為

復爐

存神燒香

香官使者左右龍虎君侍香諸靈官當令臣
向來早朝陞壇行道之所自然生金液丹碧
芝英百靈眾真交會在此香火爐前當願十
方仙童玉女接待侍蘭煙傳臣向來所奏之誠
速達徑上

至真無極大道三清上聖

昊天至尊金闕玉皇上帝御前

玉錄大齋第二日早朝儀